



AZTERKOSTA 2023 lehiaketa

AZTERKOSTA lehiaketan parte hartzeko asmorik baduzue, irakur itzazue arretaz lehiaketaren oinarriak.

LEHIAKETAREN GAIA:

Gai bakarra, "**Gure kostaldea**"

MODALITATEAK:

- Marrazkia (edozein modalitate)
- Argazki digitala

KATEGORIAK:

- 1.Kategoria: 10 urte arte.
- 2.Kategoria: 11-15 urte bitartean.
- 3.Kategoria: 16 urte baino gehiago

LANAK AURKEZTEKO ARAUAK:

Aurkeztutako lanak **originalak** izan behar dira, urtebete baino gutxiagokoak eta beste lehiaketa batean saritu gabeak.

Pertsona bakoitzak **marrazki bakarra** eta **argazki bakarra** aurkeztu ahal izango ditu (pertsona berak marrazkia + argazkia aurkeztu ahal izango du).

Lan bat baino gehiago batera bidaltzea erabakitzen bada (eskola-talde bat, edo familia bat, adibidez), behar bezala identifikatuta egon beharko dute, nahasterik egon ez dadin.

MARRAZKIA:

Aurkeztutako marrazkiak **edozein teknikarekin** egin ahal dira: argizaria, akuarela, koloretako arkatzak, ikatza eta abar, marrazki digitala barne.

Tamaina DIN A2 batekoa edo txikiagoa izan beharko da.

ARGAZKIA:

Aurkeztutako argazkiak **formatu digitalean** egon beharko dira: JPG, JPEG, PNG, TIFF.

LANEN BIDALKETA ETA AURKEZPENA

MARRAZKIA:

Marrazkiak ondorengo lekuetan aurkeztu daitezke, **zuzenean eramanda** edo **posta arrunta** erabiliz:

- **EKOETXEA MEATZALDEA** – Campo Diego auzoa, 48500 Abanto-Zierbena (Gallarta).
- **EKOETXEA URDAIBAI**- San Bartolome auzoa, 34, 48350 Busturia.
- **EKOETXEA TXINGUDI** - Plaiaundi Parke ekologikoa, 20304 Irun.
- **EKOETXEA AZPEITIA** - Loiola Auzoa Gunea, 1, 20730 Azpeitia



Marrazkiak **formatu digitalean** ere aurkeztu daitezke. Horretarako, ESKANEATU daitezke edo ARGAZKI BAT ATERA, ondoren irudia aztertu@euskadi.eus helbidera bidaliz. Perfektua ez bada, ez kezkatu, jatorrizko marrazkia eskatuko dugu beharrezkoa bada.

ARGAZKIA:

Argazkiak **FORMATU DIGITALEAN** aurkeztu beharko dira, posta elektronikoz (aztertu@euskadi.eus): fitxategia erantsita, Driverako, Dropboxerako eta abarrerako esteka partekatuta, etab...

Aurkezten diren lanetan (argazkiak/marrazkiak) behar bezala identifikatu beharko da parte-hartzaile bakoitza.

- **Izen-abizenak**
- **Sexua**
- **Ikastetxea, elkartea, kolektiboa...** (izatekotan)
- **Adina eta kategoria**
- **Telefonoa eta helbide elektronikoa** (kontakturako)

Ez dira kontuan hartuko ezarritako arauak betetzen ez dituzten lanak.

LANAK AURKEZTEKO AZKEN EGUNA:

2023ko abenduaren 22a

Posta arruntez bidaltzen badira, zigiluak abenduaren 22an izango du epe muga.

SARIAK:

Aurkeztutako lan guztiak Eusko Jaurlaritzako eta AZTERKOSTA koordinatzen duen taldeko kideek osatutako epaimahaiak balioetsiko ditu. Modalitateetako kategoria guztietako irabazleei sari bana emango zaie, baita saridunen ikastetxe, elkarte edo erakundeei ere (izatekotan).

Kategoria ezberdinentzako sariak ez dira aldeztu aurretik ezagutzen. Ez dira metalikoan izango, eta jasangarritasunaren aldeko hezkuntzarekin eta naturaren gozamen jasangarriarekin izango dute zerikusia: joko hezigarriak eta dibulgatzaileak, eskulanak, ipuinak, liburuak, mendirako eta kirol materiala...

SARITUTAKO LANAK ARGITARATZEA:

Saritutako lanak AZTERTU programaren web orrian argitaratuko dira, saritutako lanen bilduma edo galerian.

OBREN ITZULTZEA

Nahi duenak bere obra berreskuratu dezake.

Horretarako aztertu@euskadi.eus helbidearen bitartez kontaktuan jarri beharko da urte bateko epean.



AURKEZTUTAKO LANAK ERABILTZEKO BAIMENA:

Lehiaketara aurkeztutako lanak Euskal Autonomia Erkidegoko Administrazioaren esku geratuko dira, eta lan horien kopiak egiteko eta zabaldu edo banatzeko baimena izango du, baita egoki deritzon komunikazio publikoko sistemaren bidez eta egoki deritzon helburuarekin lanak ezagutarazteko baimena ere. Euskal Autonomia Erkidegoko Administrazioak eskuratzen dituen baimen horien iraupena 6 urtekoa izango da eta nonahi gauzatu ahal izango ditu. Hala, esaterako, AZTERTU programaren aurtengo edizioan nahiz hurrengoetan sor litekeen edozein materialetan (apaingarri edo osagarri) erabili ahalko ditu lanak, baita ezagutzera eman AZTERTU programaren web gunean ere. Bestalde, parte-hartzaileen irudia modu berdinean erabili ahal izango du Euskal Autonomia Erkidegoko Administrazioak. Lehiaketara lanak aurkeztu dituztenek, ordea, ez dute EAEko Administrazioak egin ditzakeen erabilera horien inguruetatik guztiz inguruetatik diru-saririk jasotzeko eskubiderik izango.

LEGEZKO OHARRA:

Abenduaren 13ko 15/1999 Lege Organikoak, Datu Pertsonalak Babestekoak, ezarritakoari jarraiki, honako hau jakinarazi nahi dizugu: AZTERKOSTA lehiaketara aurkeztu duzun lana saridun baldin bada, zure datu pertsonalak fitxategi automatizatu batean gordeko dira.

Fitxategi horretan gordetako datuak helburu hauetarako baino ez dira erabiliko:

- Zure lanak saria jasoko duela jakinarazteko.
- Sariak banatzeko ekitaldira zu gonbidatu ahal izateko.
- dagokizun saria eman ahal izateko.
- Zure lana AZTERKOSTA aldizkarian lan sarituen bilduman argitaratzen dugunean, nork egina den adierazi ahal izateko; beti ere zuk datu horiek azaltzearen aurkako adierazpenik egiten ez baduzu.

Fitxategiaren arduraduna Eusko Jaurlaritzako Ekonomiaren Garapen, Jasangarritasun eta Ingurumen Saileko Natura Ingurunearen eta Ingurumen Plangintzaren zuzendaria da. Datuak eskuratzeko, zuzentzeko, deuseztatzeko eta fitxategian agertzearen aurka egiteko eskubidea gauzatu nahi izanez gero, Sail horretako Zerbitzu Zuzendaritzara jo dezakezu: Donostia-San Sebastián 1, 2. solairua, Vitoria-Gasteiz 01010.